

【如來藏】（科註第三四四頁第七行 第116集 2013年1月9日）

《佛學次第統編》：

「二如來藏」大乘止觀法門云二如來藏：如來者，即理性如來也。藏以含攝為義，謂一切眾生煩惱心中，具足無量無邊不可思議無漏清淨之業。如石中有金，木中有火，故云垢藏之中，佛性滿足，是名如來藏也。

一、空如來藏 謂此心性，雖隨染淨之緣，建立生死涅槃等法，然心體平等，離性離相，非惟所起染淨等法皆空，而能起之心，亦不可得，是名空如來藏。

二、不空如來藏 謂此心性，具足無漏清淨功德，及諸有漏業惑染法，包藏含攝，無德不備，無法不現，故名不空如來藏。

「三如來藏」圓覺經略疏云三如來藏：如來者，即理性如來也。因中說果，故名如來。藏者含藏之義，謂含藏一切善惡法也。的指其體，即第八識名如來藏也。

一、隱覆藏 謂諸眾生，本有真如法身之理。在第八識中，為無明煩惱之所隱覆，而不能見，故名隱覆藏。

二、含攝藏 謂第八識為染淨之所依止，以能含藏一切善惡種子，故名含攝藏。

三、出生藏 謂第八識為染淨之本，遇緣熏習則能出生世間出世間有情無情等法，故名出生藏。